

ააიპ "კლასიკური მუსიკის ხელშეწყობის ასოციაციის" კერძო მაუწყებლობის №B86 ლიცენზიის მოქმედების ვადის გაგრძელების თაობაზე

საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ კომისიას განცხადებით (კომისიაში რეგისტრაციის №შ-7/11808-16, 03.11.2016წ.) მიმართა ააიპ "კლასიკური მუსიკის ხელშეწყობის ასოციაციამ" კუთვნილი კერძო მაუწყებლობის №B86 ლიცენზიის მოქმედების ვადის გაგრძელების მოთხოვნით.

კომისია აღნიშნავს, რომ ააიპ "კლასიკური მუსიკის ხელშეწყობის ასოციაცია" ფლობს კერძო მაუწყებლობის №B86 ლიცენზიას 2016 წლის 22 დეკემბრამდე, კომისიის 2006 წლის 22 დეკემბრის №564/1 და 2015 წლის 24 დეკემბრის №813/6 გადაწყვეტილებებით განსაზღვრული შემდეგი სალიცენზიო პირობებით:

- ა) ლიცენზიის სახე: რადიომაუწყებლობა;
- ბ) ლიცენზიის სახეობა: კერძო მაუწყებლობა;
- გ) კერძო მაუწყებლობის ქვესახეობა: სპეციალიზებული (გასართობი) მაუწყებლობა;
- დ) მაუწყებლობის ენა/ენები: ქართული;
- ე) მაუწყებლობის მინიმალური ხანგრძლივობა დღე-ღამის განმავლობაში - 12 საათი;
- ვ) მაუწყებლობის ტექნიკური პარამეტრები:

გადამცემი და ანტენის განთავსების ადგილი	სიხშირე (მჰც)	მოდულაცი	პოლარიზაცია V / H	გასხივება	გადამცემის სიმძლავრე (ვტ)	გეოგრაფიული კოორდინატები	ანტენის დაკიდების სიმაღლე მიწის ზედაპირიდან (მ)	ანტენის გაძლიერების კოეფიციენტი (დბ)
ქ. თბილისი	95.9	FM	V	წრიული	2000	41°41'44"N 44°47'05"E	75	8
გორი	107.7	FM	V	წრიული	500	42°01'56"N 44°02'51"E	70	8
ახალციხე	100.9	FM	V	წრიული	500	41°37'48"N 42°57'25"E	40	8
თელავი	101.7	FM	V	წრიული	500	41°52'13"N 45°24'35"E	15	6
ქუთაისი	101.8	FM	V	წრიული	2000	42°16'49"N 42°44'11"E	75	8
ბათუმი	103.9	FM	V	წრიული	500	41°41'37"N 41°42'55"E	40	8
ზუგდიდი	104.6	FM	V	წრიული	2000	42°24'48"N 41°49'05"E	40	8
ახალქალაქი	102.9	FM	V	წრიული	1000	41°20'52"N 43°25'34"E	60	8
ღმანისი	107.6	FM	V	წრიული	1000	41°22'38"N 44°12'52"E	150	6
დედოფლის წყარო	102.6	FM	V	წრიული	500	41°28'0.81"N 46°08'10.82"E	180	6

ზემოაღნიშნული გადამცემი სადგურების განთავსება შესაძლებელია მითითებული კოორდინატების მიმართ 500მ რადიუსის ფარგლებში, ზღვის დონიდან გადამცემი ანტენის დაკიდების სიმაღლის შენარჩუნებით (ცდომილება±5მ).

ზ) მაუწყებლობის გავრცელების გეოგრაფიული ზონა: გადამცემი სადგურების ტექნიკური პარამეტრების შესაბამისი მომსახურების სახმელეთო ტერიტორია, რომელიც პირობითად შემოსაზღვრულია ამ ტერიტორიაზე

განთავსებული სადგურების მიერ შექმნილი სამაუწყებლო დონის სიგნალის ზღვრული მინიმალური მნიშვნელობის მქონე წერტილთა ერთობლიობის მომვლებით;

"მაუწყებლობის შესახებ" საქართველოს კანონის 39-ე მუხლის შესაბამისად, ლიცენზიის მოქმედების ვადის ამოწურვის შემდეგ ლიცენზიის მოქმედება ერთხელ, იმავე ვადით გრძელდება ავტომატურად, თუ ლიცენზიის მფლობელის მიმართ ამ პერიოდში არ ყოფილა გამოყენებული ამ კანონის 72-ე მუხლის მე-2 პუნქტით გათვალისწინებული სანქციები. ამ შემთხვევაში ლიცენზიის მფლობელი იხდის სალიცენზიო მოსაკრებელს და კანონმდებლობით განსაზღვრულ შემთხვევაში ლიცენზიის მოქმედების გაგრძელების მომენტისათვის დადგენილი სალიცენზიო გადასახდელის საწყის ოდენობას. სხვა შემთხვევაში ლიცენზიის მოქმედების ვადის ამოწურვამდე 6 თვით ადრე ლიცენზიის მფლობელი მიმართავს კომისიას კონკურსის გამოცხადების შესახებ განცხადებით. კომისია კონკურსს ატარებს ამ ლიცენზიის მოქმედების ვადის ამოწურვამდე.

„საქართველოს კომუნიკაციების ეროვნული კომისიის საქმიანობის მარეგულირებელი წესების“ მე-5 მუხლის მე-8 პუნქტის შესაბამისად, განცხადება ლიცენზიის მოქმედების ვადის გაგრძელების თაობაზე შეტანილი უნდა იქნეს კომისიაში, ლიცენზიის მოქმედების ვადის გასვლამდე არაუგვიანეს 33 სამუშაო დღისა. ამ ვადის დარღვევით შეტანილ განცხადებასთან დაკავშირებით კომისია იღებს გადაწყვეტილებას მისი განუხილველად დატოვების შესახებ.

კომისია აღნიშნავს, რომ ააიპ "კლასიკური მუსიკის ხელშეწყობის ასოციაციის" მიმართ ლიცენზიის მოქმედების პერიოდში არ ყოფილა გამოყენებული "მაუწყებლობის შესახებ" საქართველოს კანონის 72-ე მუხლის მე-2 პუნქტით გათვალისწინებული სანქციები; ამავე დროს, კომპანიის მიერ დაცულია კომისიაში ლიცენზიის მოქმედების ვადის გაგრძელების განცხადების წარმოდგენისათვის დადგენილი ვადა.

კომისია აღნიშნავს, რომ "სალიცენზიო და სანებართვო მოსაკრებლების შესახებ" საქართველოს კანონის მე-6 მუხლის მე-14 პუნქტის ა) ქვეპუნქტის შესაბამისად, სალიცენზიო მოსაკრებელი კერძო მაუწყებლობის ლიცენზიისათვის შეადგენს - 2,000 (ორი ათას) ლარს. ააიპ "კლასიკური მუსიკის ხელშეწყობის ასოციაციის" მიერ 2016 წლის 15 ნოემბერს კომისიაში წარმოდგენილ იქნა სალიცენზიო მოსაკრებლის გადახდის დამადასტურებელი საბუთი (წერილის კომისიაში რეგისტრაციის №მ-6/12125-16).

კომისია აღნიშნავს, რომ კომისიის 2016 წლის 15 ნოემბრის №748/23 გადაწყვეტილებით დაიწყო საჯარო ადმინისტრაციული წარმოება ააიპ "კლასიკური მუსიკის ხელშეწყობის ასოციაციის" კერძო მაუწყებლობის №B86 ლიცენზიის მოქმედების ვადის გაგრძელების თაობაზე საჯარო ადმინისტრაციული წარმოების დაწყების შესახებ.

კომისიის აპარატის რადიოსიხშირეთა მართვის დეპარტამენტის მიერ, "რადიოსიხშირული სპექტრით ან/და ნუმერაციის რესურსით სარგებლობის უფლების მოსაპოვებლად აუქციონის გამართვის დებულების დამტკიცების შესახებ" კომისიის 2005 წლის 12 დეკემბრის №13 დადგენილების საფუძველზე, წარმოდგენილ იქნა სალიცენზიო გადასახდელის გაანგარიშება (სამსახურობრივი ბარათი № 10/11990-16, 10.11.2016), რომელმაც ააიპ "კლასიკური მუსიკის ხელშეწყობის ასოციაციის" კერძო მაუწყებლობის №B86 ლიცენზიის მოქმედების ვადის გაგრძელებისთვის შეადგინა – 64 111.50 ლარი.

საკითხის ზეპირი მოსმენა გაიმართა კომისიის 2016 წლის 15 დეკემბრის სხდომაზე. სხდომას ესწრებოდა ააიპ "კლასიკური მუსიკის ხელშეწყობის ასოციაციის" წარმომადგენელი შორენა კოპალეიშვილი, რომელმაც დაადასტურა მაუწყებლობის №B86 ლიცენზიის მოქმედების ვადის გაგრძელებისთვის სალიცენზიო გადასახდელის საქართველოს ცენტრალურ სახელმწიფო ბიუჯეტში კომისიის მიერ განსაზღვრული გრაფიკის შესაბამისად, ერთი წლის ვადაში გადახდაზე მზადყოფნა.

კომისია აღნიშნავს, რომ ადმინისტრაციული წარმოების პროცესში არ გამოვლენილა ააიპ "კლასიკური მუსიკის ხელშეწყობის ასოციაციის" კერძო რადიომაუწყებლობის №B86 ლიცენზიის მოქმედების ვადის გაგრძელების დამაბრკოლებელი გარემოებები. შესაბამისად კომისიას მიზანშეწონილად მიაჩნია ააიპ "კლასიკური მუსიკის ხელშეწყობის ასოციაციის" კერძო რადიომაუწყებლობის №B86 ლიცენზიის მოქმედების ვადის გაგრძელების თაობაზე გადაწყვეტილების მიღება ზეპირი მოსმენის სხდომაზევე.

ყოველივე ზემოაღნიშნულის გათვალისწინებით, საქართველოს ზოგადი ადმინისტრაციული კოდექსის IX თავის, "მაუწყებლობის შესახებ" საქართველოს კანონის 38-ე მუხლის მე-9 პუნქტის, 39-ე მუხლის და კომისიის 2006 წლის 5 დეკემბრის N6 დადგენილების შესაბამისად, კომისიამ, კენჭისყრის შედეგად, ერთხმად

გადაწყვიტა:

1. გაუგრძელდეს მოქმედების ვადა ააიპ "კლასიკური მუსიკის ხელშეწყობის ასოციაციის" კუთვნილ კერძო მაუწყებლობის №B86 ლიცენზიას 2016 წლის 18 დეკემბრიდან 2026 წლის 18 დეკემბრამდე შემდეგი სალიცენზიო პირობებით:

- ა) ლიცენზიის სახე: რადიომაუწყებლობა;
- ბ) ლიცენზიის სახეობა: კერძო მაუწყებლობა;
- გ) კერძო მაუწყებლობის ქვესახეობა: სპეციალიზებული (გასართობი) მაუწყებლობა;
- დ) მაუწყებლობის ენა/ენები: ქართული;
- ე) მაუწყებლობის მინიმალური ხანგრძლივობა დღე-ღამის განმავლობაში - 12 საათი;
- ვ) მაუწყებლობის ტექნიკური პარამეტრები:

გადამცემის და ანტენის განთავსების ადგილი	სიხშირე (მჰც)	მოდულაცი ა	პოლარიზაცია V / H	გასხივება	გადამცემის სიმძლავრე (ვტ)	გეოგრაფიული კოორდინატები	ანტენის დაკიდების სიმაღლე მიწის ზედაპირიდან (მ)	ანტენის გამდიერების კოეფიციენტი (დბ)
ქ. თბილისი	95.9	FM	V	წრიული	2000	41°41'44"N 44°47'05"E	75	8
გორი	107.7	FM	V	წრიული	500	42°01'56"N 44°02'51"E	70	8
ახალციხე	100.9	FM	V	წრიული	500	41°37'48"N 42°57'25"E	40	8
თელავი	101.7	FM	V	წრიული	500	41°52'13"N 45°24'35"E	15	6
ქუთაისი	101.8	FM	V	წრიული	2000	42°16'49"N 42°44'11"E	75	8
ბათუმი	103.9	FM	V	წრიული	500	41°41'37"N 41°42'55"E	40	8
ზუგდიდი	104.6	FM	V	წრიული	2000	42°24'48"N 41°49'05"E	40	8
ახალქალაქი	102.9	FM	V	წრიული	1000	41°20'52"N 43°25'34"E	60	8
დმანისი	107.6	FM	V	წრიული	1000	41°22'38"N 44°12'52"E	150	6
დედოფლის წყარო	102.6	FM	V	წრიული	500	41°28'0.81"N 46°08'10.82"E	180	6

ზემოაღნიშნული გადამცემი სადგურების განთავსება შესაძლებელია მითითებული კოორდინატების მიმართ 500მ რადიუსის ფარგლებში, ზღვის დონიდან გადამცემი ანტენის დაკიდების სიმაღლის შენარჩუნებით (ცდომილება±5მ).

ზ) მაუწყებლობის გავრცელების გეოგრაფიული ზონა: გადამცემი სადგურების ტექნიკური პარამეტრების შესაბამისი მომსახურების სახმელეთო ტერიტორია, რომელიც პირობითად შემოსაზღვრულია ამ ტერიტორიაზე განთავსებული სადგურების მიერ შექმნილი სამაუწყებლო დონის სიგნალის ზღვრული მინიმალური მნიშვნელობის მქონე წერტილთა ერთობლიობის მომვლებით;

2. ააიპ "კლასიკური მუსიკის ხელშეწყობის ასოციაცია" ვალდებულია:

ა) თავის საქმიანობაში დაიცვას პირთა უფლებები, თავისუფლებები და კანონიერი ინტერესები, წინასწარ აცნობოს მომხმარებელს მომსახურების პირობების შესაძლო ცვლილებების შესახებ;

ბ) ყოველკვირეულად გამოაქვეყნოს და კომისიას მიაწოდოს მომდევნო კვირის პროგრამების განრიგი, პროგრამის დასახელებისა და მოკლე ანოტაციის მითითებით;

გ) წარუდგინოს კომისიას ინფორმაცია "მაუწყებლობის შესახებ" საქართველოს კანონით დადგენილი რეგულირების საფასურის გაანგარიშების თაობაზე და კანონმდებლობით დადგენილი წესისა და ვადების დაცვით ჩარიცხოს თანხები კომისიის ანგარიშზე;

დ) გამოყენებული ტექნიკური საშუალებები და განხორციელებული მომსახურების ხარისხი შეუსაბამოს საქართველოს ტერიტორიაზე მოქმედ ნორმატივებსა და სტანდარტებს, იქონიოს შესაბამისობის სერთიფიკატი;

ე) დაიცვას გამოყენებული ტექნიკური საშუალებების ექსპლუატაციის წესი;

ვ) უზრუნველყოს, ლიცენზიით განსაზღვრული საქმიანობისათვის, საჭიროების შემთხვევაში, მოქმედი კანონმდებლობით გათვალისწინებული ნებართვების მიღება;

- ზ) მაუწყებლობის სფეროში მოქმედ კანონმდებლობაში ცვლილებების შეტანის შემთხვევაში, მათთან შესაბამისობაში მოიყვანოს ლიცენზიით განსაზღვრული საქმიანობა;
- თ) შექმნას არქივი და არანაკლებ 1 თვის განმავლობაში შეინახოს პროგრამები;
- ი) მიიღოს ყველა ზომა პროგრამებში მოყვანილი ფაქტების ჯეროვანი სიზუსტის უზრუნველსაყოფად და დროულად შეასწოროს შეცდომები. უზრუნველყოს ფაქტების ზუსტი და სამართლიანი გაშუქება, ფაქტისა და აზრის მკაფიო გამიჯვნა და აზრის ავტორის იდენტიფიცირება. დაიცვას "მაუწყებლობის შესახებ" საქართველოს კანონით განსაზღვრული სხვა შინაარსობრივი ვალდებულებები.
- კ) ყოველწლიურად, არაუგვიანეს მომდევნო წლის 1 თებერვლისა გამოაქვეყნოს და კომისიას მიაწოდოს "მაუწყებლობის შესახებ" საქართველოს კანონის 61-ე მუხლით გათვალისწინებული ინფორმაცია;
- ლ) წარუდგინოს კომისიას და გამოაქვეყნოს საკუთარ ვებ-გვერდზე შესაბამისობის დეკლარაცია მისი წილის მფლობელებისა და აქციონერების, ხელმძღვანელი ორგანოების წევრებისა და თანამდებობის პირების ცვლილების შემთხვევაში, შესაბამისი ცვლილების განხორციელებიდან 10 დღის ვადაში;
- მ) არა უგვიანეს ყოველი წლის 1 მაისისა კომისიას წარუდგინოს გასული წლის საქმიანობის ანგარიში საქართველოს კანონმდებლობისა და სალიცენზიო პირობების მოთხოვნათა შესრულების, მიმდინარე წლის საქმიანობის გეგმისა და დაფინანსების წყაროების შესახებ; ანგარიშს უნდა დაერთოს აუდიტის დასკვნა.
- ნ) კომისიას წარუდგინოს მაუწყებლობის პროცესში რადიოპროგრამების გავრცელების უფლებამოსილების დამადასტურებელი დოკუმენტაცია;
- ო) იქონიოს თვითრეგულირების ეფექტიანი მექანიზმი, რომელიც უზრუნველყოფს საჩივრების განხილვასა და მათზე დროულ და დასაბუთებულ რეაგირებას.
- პ) მაუწყებლობის პროცესში დაიცვას "მაუწყებლობის შესახებ" საქართველოს კანონის მე-3 მუხლის შესაბამისად განსაზღვრული მაუწყებლობის სფეროში მოქმედი კანონმდებლობის სხვა მოთხოვნები;
3. ააიპ "კლასიკური მუსიკის ხელშეწყობის ასოციაციის" კერძო მაუწყებლობის №B86 ლიცენზიის მოქმედების ვადის გაგრძელებისთვის გათვალისწინებული სალიცენზიო გადასახდელი შეადგენს – 64 111.50 (სამოცდაოთხი ათას ასთერთმეტი ლარი და 50 თეთრი) ლარს.
4. ლიცენზიის მოქმედების ვადის გაგრძელებისთვის განსაზღვრული სალიცენზიო გადასახდელის - 64 111.50 (სამოცდაოთხი ათას ასთერთმეტი ლარი და 50 თეთრი) ლარის გადახდა მოხდეს საქართველოს ცენტრალურ სახელმწიფო ბიუჯეტში შემდეგი რეკვიზიტებისა და გრაფიკის მიხედვით:
- ერთიანი ანგარიში არასაგადასახადო შემოსულობები - N200122900;
 - სახელმწიფო ხაზინა, ბანკის კოდი - TRESGE22;
 - საბიუჯეტო შემოსავლის სახაზინო კოდი - 300773062;

- 5343.00 ლარი – 2017 წლის 15 იანვრამდე;
- 5343.00 ლარი – 2017 წლის 15 თებერვლამდე;
- 5343.00 ლარი – 2017 წლის 15 მარტამდე;
- 5343.00 ლარი – 2017 წლის 15 აპრილამდე;
- 5343.00 ლარი – 2017 წლის 15 მაისამდე;
- 5343.00 ლარი – 2017 წლის 15 ივნისამდე;
- 5343.00 ლარი – 2017 წლის 15 ივლისამდე;
- 5343.00 ლარი – 2017 წლის 15 აგვისტომდე;
- 5343.00 ლარი – 2017 წლის 15 სექტემბრამდე;
- 5343.00 ლარი – 2017 წლის 15 ოქტომბრამდე;
- 5343.00 ლარი – 2017 წლის 15 ნოემბრამდე;
- 5338.50 ლარი – 2017 წლის 15 დეკემბრამდე;

5. დაევალოს კომისიის აპარატის ადმინისტრაციულ დეპარტამენტს (ი. ხარებავა):

- ა) სათანადო მონაცემების კომისიის სალიცენზიო რეესტრში შეტანა (ნ. ლორთქიფანიძე);
- ბ) ლიცენზიის მოქმედების ვადის გაგრძელების თაობაზე ინფორმაციის სსიპ „საქართველოს საკანონმდებლო მაცნეში“ და საქართველოს ფინანსთა სამინისტროში გაგზავნის უზრუნველყოფა (მ. ქადეიშვილი);
- გ) სალიცენზიო მოწმობის გაცემის უზრუნველყოფა (ნ. ლორთქიფანიძე);
- დ) გადაწყვეტილების დამოწმებული ასლის ააიპ "კლასიკური მუსიკის ხელშეწყობის ასოციაციისთვის" გაგზავნა (ნ. ჯავახიძე).

6. გადაწყვეტილება ძალაში შევიდეს კომისიის ოფიციალურ ვებ-გვერდზე (www.gncc.ge) გამოქვეყნებისთანავე;

7. გადაწყვეტილება შეიძლება გასაჩივრდეს ქ.თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ.თბილისი, დავით აღმაშენებლის ხეივანი მე-12 კმ., N6) ერთი თვის ვადაში;

8. კონტროლი აღნიშნული გადაწყვეტილების პირველი პუნქტის ვ) ქვეპუნქტის შესრულებაზე დაევალოს კომისიის აპარატის რადიოსიხშირეთა მართვის დეპარტამენტს (ს. შავგულიძე);

9. კონტროლი აღნიშნული გადაწყვეტილების პირველი პუნქტის (გარდა ვ) ქვეპუნქტისა) და მე-3 პუნქტის შესრულებაზე დაევალოს კომისიის აპარატის მაუწყებლობის რეგულირების დეპარტამენტს (ი.მახარაძე).

10. კონტროლი აღნიშნული გადაწყვეტილების მე-4 პუნქტის შესრულებაზე დაევალოს კომისიის აპარატის საფინანსო დეპარტამენტს (ნ. დევდარიანი).

11. კონტროლი აღნიშნული გადაწყვეტილების შესრულებაზე (გარდა პირველი, მე-2 და მე-4 პუნქტებისა) დაევალოს კომისიის აპარატის ადმინისტრაციულ დეპარტამენტს (ი. ხარებავა).

კომისიის თავმჯდომარე

ვახტანგ აბაშიძე

კომისიის წევრი

ელისო ასანიძე

კომისიის წევრი

მერაბ ქათამაძე